

**Uunga siunnersuut: Illulioortiternernut aningaasalersuineq pillugu Inatsisartut inatsisaata allanngortinneqarnera pillugu Inatsisartut inatsisaat**

(Radoneqassutsimik annikillisaanissamut taarsigassarsisitsineq tapiissuteqarnerlu)

(Ineqarnermut Attaveqaasersuutinullu Naalakkersuisoq)

**Akissuteqaat**

(Ineqarnermut Attaveqaasersuutinullu Naalakkersuisoq)

**Aappassaaneerneqarnera**

Inatsisartut siullermeerinninnermi siunnersuummik pitsaasumik sukumiisumillu suliarinnissimanerannik Naalakkersuisut sinnerlugit qutsavigerusuppakka.

Naalakkersuisut siunnersuut tapersorsorluarneqartoq nuannaarutigisaminnik paasivaat.

Soraarnerussutisiallit innuttaasullu akissakilliortut, namminneq inigisaminni pigisaminni najugallit inigisaminnik radonimit isumannaarinissaannut taarsigassarsinissamut tapiiffigineqarnissamulluunniit periarfissaqalernissaat siunnersuummi siunertaavoq.

Taamaattumik tamanna maanna ataatsimut piviusunngortissinnaagatsigu innuttaasullu peqqinnartunik najugaqarnissaannik ikiorsinnaagatsigit nuannaarutiginarpoq.

Naalakkersuisut taamatut naatsumik oqaaseqarlutik siunnersuutip akuersissutigineqarnissaa anguniarlugu pingajussaaneerneqarnissaa inassutigaat.